

Жолдау даму бағыттарын айқындап берді



Қазақстан Республикасы Президентінің Жолдауы
Қосылған: Президенттің Жолдауы, 2019 жылғы 17 желтоқсан

Жаңа оқу жылы басталысымен Президент Қасым-Жомарт Тоқаев 2-ші қыркүйек күні Қазақстан парламенті палаталарының бірлескен отырысы, VI шақырылымының 5-сессиясы барысында халыққа алғашқы жолдауын жолдады.

Жолдау бес тараудан құралған және әрбір тарау еліміздегі өзекті мәселелердің шешу жолдарын айқындайды. Жолдаудың бас жағында саяси реформалар туралы айтылып, еліміздің қоғамдық саяси өмірін жаңарту арқылы экономикалық тұрақтылық пен көп партиялы жүйені дамыту керектігі сөз етілді. Сонымен қатар президент мемлекет тұрақтылығының негізі ретінде «Күшті Президент – ықпалды Парламент – есеп беретін Үкімет» формуласын ұсынды. Қазіргі таңда көп сөз етілетін мәселелер өз шешімін тапқандай болды. Нақтырақ айтқанда, жолдау барысында жердің шетелдіктерге сатылмайтыны, бейбіт шеру ұйымдастыруға рұқсат

етілетіндігі және зорлық-зомбылық үшін жазаның күшейетіндігі баса айтылды.

Менің ойымша, жолдау халқымыздың саяси-экономикалық, әлеуметтік және мәдени мәселелерін алға тартып, олардың шешу жолдарын бағдарлап берді. Соның ішінде, жастар арасындағы рухани сауатсыздық пен патриотизмнің төмендігі көңіл қынжытарлық жәйт. Осы мәселенің төңірегінде Жолдау барысында бірнеше мәдени әрі рухани іс-шараларды өткізу жоспарланып отыр.

Қорыта айтқанда, Жолдау арқылы еліміздің бағыттары айқындалып, болашақ жоспарлардың құрылуына бастау болды. Президент Қасым-Жомарт Тоқаев «сындарлы қоғамдық диалог – татулық пен тұрақтылық негізі» – деп сөз еткендей, еліміздің бірлігі мен тұтастығының арқасында алға қойылған мақсаттар мен армандар орындалады деген ойдамын.

**Дана ТАЛАПОВА,
Ы.Алтынсарин атындағы
АрқМПИ педагогика
және психология
кафедрасының
II курс студенті.**